

Minister Bermudez a ricibi e prome copia di 'Fiscale Wetgeving 2017' for di PwC

Prome copia di PwC su edicion anual a wordo otorga na Minister Bermudez di Finanzas

RECIENTEMENTE, Minister Bermudez di Finanza a ricibi e edicion di mas nobo di e publicacion 'Fiscale Wetgeving 2017' for di man di Hans Ruiter, Tax Partner y Nicole Duyvelshoff, Tax Manager di PwC Aruba.

Tur aña, PwC Dutch Caribbean ta publica un resumen actual di leynan di belasting y seguronan social y di empleado cu ta aplicabel pa Aruba, islanan BES, Corsou y Sint Maarten. Esaki ta e di 10

edicion di e publicacion 'Fiscale Wetgeving 2017'.

"Un aña nobo ta nifica pa nos un publicacion nobo di nos fiscale wettenbundel cu tur ley di impuesto actual aden di Aruba, islanan BES, Corsou y Sint Maarten.

Mirando cu impuesto ta consisti di un cantidad incontabel di ley y reglanan, nos ta trece e opcion pa por haci uzo di leynan fiscal aplicabel na un manera mas lihe y practico. E edicion up-to-date di e 'Fiscale Wetgeving 2017' ta imprimi den pocket size y lo ta pronto disponibel gratis riba nos website", segun Hans Ruiter.

"Aña pasa, dor di e diversidad di empresarionan extranhero, inversionistanan y individuonan activo den partinan Caribense di Reino Hulandes, nos a dicidi di saka e prome version na Ingles di nos fiscale wettenbundel cu eyden e leynan fiscal mas relevante di e parti Caribense di Reino Hulandes. Aparte di esey nos a haya hopi pregunta for di mercado tocante ley y reglanan di aduana.

Nos ta haciendo nos maximo esfuerso pa den transcurso di e aña aki pa bin cu un wettenbundel di reglanan di aduana y invoerrechten cu lo contribui na nos meta, esta comparti conocimiento cu nos relacionnan y nos comunidad", asina Hans Ruiter ta sigui bisa.

Algun di e cambionan mas importante e aña aki ta e introduccion di apelacion ('hoger beroep') den casonan di impuesto pa Corsow y Sint Maarten y e regulacion di impuesto entre Sint Maarten y Hulanda.

Ademas, Corsou a pone den marcha un reforma integral pa inclui e codificacion di e reglanan fiscal p'asina yama fusies, splitsing y omzetting di personanan huridico y e introduccion di e posibilidad pa ricibi un trato fiscal favorabel ora di spaar pa pensioen.

Ademas, por supuesto, cambionan anual di e. o. e sorto di leynan fiscal.

E edicion pocket size aki ta obtenibel na tur oficina di PwC na Aruba, Boneiro, Corsou y Sint Maarten. Pa mas informacion of pedido por jama +297 522 1647 of +522 1641. Aparte di esey, e edicion pocket size aki lo ta pronto den un version digital interactivo. E documento aki por wordo descarga gratis via nos website www.pwc.com/dutch-caribbean.

